



NEGERI SABAH

[JPAN:700-2/10 JLD.2 (4)]

SURAT PEKELILING PERKHIDMATAN NEGERI SABAH BIL. 6/2019

PENAMBAHBAIKAN KEMUDAHAN BAGI PEGAWAI LANTIKAN KONTRAK (*CONTRACT OF SERVICE*) DALAM PERKHIDMATAN AWAM

1. TUJUAN

- 1.1. Surat Pekeliling Perkhidmatan ini bertujuan melaksanakan keputusan Kerajaan berkaitan dengan penambahbaikan kemudahan bagi pegawai lantikan kontrak (*Contract of service*) Perkhidmatan Awam Negeri. Pelaksanaan Surat Pekeliling ini adalah selaras dengan Surat Pekeliling Perkhidmatan Jabatan Perkhidmatan Awam Malaysia Bilangan 2 Tahun 2016.

2. LATAR BELAKANG

- 2.1. Dasar dan peraturan berkaitan kemudahan yang layak diberi kepada pegawai lantikan secara kontrak (*Contract of Service*) dijelaskan melalui Pekeliling Perkhidmatan Bilangan 2 Tahun 2008 – Dasar dan Prosedur Pelantikan Secara Kontrak (*Contract of Service*) dan Pekeliling Perkhidmatan Negeri Sabah Bil.2/2009 - Pemberian Wang Tunai Sebagai Gantian Bagi Cuti Rehat Yang Tidak Dapat Dihabiskan Oleh Pegawai Lantikan Secara Kontrak.
- 2.2. Sehubungan itu, sebagai pengiktirafan kepada perkhidmatan pegawai lantikan secara kontrak, Kerajaan telah bersetuju supaya kemudahan tersebut ditambah baik.

3. KELAYAKAN

3.1. Kemudahan ini diberi kepada pegawai perkhidmatan awam, yang dilantik oleh Suruhanjaya Perkhidmatan Awam Negeri Sabah secara kontrak termasuklah pelantikan kali pertama dan pelantikan seseorang pegawai yang sedang berkhidmat dalam mana-mana skim perkhidmatan.

4. PENAMBAHBAIKAN

4.1. Penambahbaikan berkaitan kemudahan dan faedah kepada pegawai lantikan secara kontrak adalah seperti berikut:

Perkara	Peraturan Sedia Ada	Penambahbaikan
1. Kadar kelayakan Cuti Rehat Tahunan	PPNS Bil. 2/2017 Kadar kelayakan Cuti Rehat tahunan bagi pesara Kerajaan yang dilantik secara kontrak seperti berikut: i. Gred 1 - 20 adalah 20 hari; dan ii. Gred 21 - 54 dan Kumpulan Pengurusan Tertinggi adalah 25 hari.	Kadar kelayakan Cuti Rehat tahunan bagi pesara Kerajaan yang dilantik secara kontrak adalah berdasarkan kadar kelayakan sehari sebelum bersara. Contoh pengiraan kadar kelayakan Cuti Rehat tahunan adalah seperti di Lampiran A .
2. Cuti Haji	Tiada	Pegawai yang telah berkhidmat secara kontrak tidak kurang empat (4) tahun boleh diluluskan Cuti Haji bergaji penuh tidak lebih 40 hari sepanjang tempoh perkhidmatan Kerajaan. Bagi pesara yang dilantik kontrak, syarat tempoh perkhidmatan empat (4) tahun ini tidak terpakai sekiranya mereka belum pernah menggunakan kemudahan ini sebelum bersara.
3. Cuti Tanpa Gaji Untuk Mengerjakan Haji	Tiada	Pegawai lantikan secara kontrak yang tidak layak kemudahan Cuti Haji bergaji penuh boleh dipertimbangkan Cuti Tanpa Gaji tidak melebihi 40 hari untuk tujuan mengerjakan haji dengan syarat pegawai telah berkhidmat sekurang-kurangnya tiga (3) tahun . Cuti Tanpa Gaji atas sebab yang lain tidak dibenarkan.
4. Cuti Tanpa Rekod Bagi Urusan Kematian Ahli Keluarga Terdekat	Tiada	Kemudahan Cuti Tanpa Rekod selama tiga (3) hari berturut-turut bagi urusan kematian ahli keluarga terdekat iaitu : i. Suami/ isteri ii. Anak kandung iii. Anak angkat yang sah di sisi undang-undang iv. Anak angkat <i>de facto</i> v. Anak pelihara vi. Ibu kandung atau ibu angkat vii. Bapa kandung atau bapa angkat viii. Seorang ibu mentua dan seorang bapa mentua ¹ .

¹ Kemudahan ini adalah terhad bagi seorang ibu mentua dan seorang bapa mentua sahaja sepanjang tempoh perkhidmatan Kerajaan

Perkara	Peraturan Sedia Ada	Penambahbaikan
5. Cuti Isteri Bersalin	Tiada	Cuti Tanpa Rekod hendaklah : Kemudahan Cuti Isteri Bersalin hendaklah dilaksanakan seperti berikut: - Selama tujuh (7) hari Cuti Tanpa Rekod; - Cuti Tanpa Rekod bermula pada tarikh isteri bersalin atau pada hari berikutnya jika isterinya bersalin selepas waktu pejabat (5.30 petang)²; dan - Dihadkan kepada lima (5) kali sepanjang tempoh perkhidmatan Kerajaan
6. Kadar Maksimum Cuti Rehat Yang Dibenarkan Untuk Tujuan Pemberian Wang Tunai	PPNS BIL.2/2009 - Cuti Rehat yang dibenarkan untuk tujuan pemberian wang tunai sebagai gantian bagi cuti rehat yang tidak dapat dihabiskan bagi suatu kontrak adalah 8 hari atau ¼ daripada kadar Cuti Rehat setahun, mengikut mana yang lebih rendah, terhad kepada maksimum 75 hari sepanjang tempoh perkhidmatan kontrak dengan Kerajaan. - Pegawai layak diberi wang tunai sebagai gantian bagi Cuti Rehat yang tidak dapat dihabiskannya tertakluk kepada syarat sesuatu kontrak yang berkuat kuasa hendaklah tidak kurang daripada satu (1) tahun.	- Cuti Rehat yang dibenarkan untuk tujuan pemberian wang tunai sebagai gantian bagi cuti rehat yang tidak dapat dihabiskan adalah 15 hari atau ½ daripada kadar cuti rehat yang berkelayakan pada tahun berkenaan, mana yang lebih rendah, terhad kepada maksimum 75 hari sepanjang tempoh perkhidmatan kontrak dengan Kerajaan. - Kelayakan pemberian wang tunai sebagai Gantian Cuti Rehat (GCR) tidak tertakluk kepada tempoh kontrak satu (1) tahun. Cuti Rehat yang dikumpul bagi GCR hendaklah mendapat kebenaran Ketua Jabatan setiap tahun/ tamat tempoh kontrak dengan menggunakan borang seperti di Lampiran B.

4.2 Selaras dengan dasar baharu ini, pegawai lantikan kontrak layak diberikan kemudahan dan elaun seperti di Lampiran C serta apa-apa elaun dan kemudahan yang diberikan oleh Kerajaan dari semasa ke semasa, tertakluk tetapi tidak terhad kepada perkara yang diperuntukkan tersebut.

5. PERALIHAN

5.1. Bagi kontrak yang masih berkuat kuasa pada tarikh berkuatkuasanya surat pekeliling perkhidmatan ini, pegawai yang berkaitan layak diberi kemudahan dan faedah sebagaimana yang ditetapkan tanpa perlu menambah peruntukan baharu mengenainya dalam syarat perjanjian kontrak yang telah ditandatangani. Bagi pelantikan kontrak baharu dan pelantikan semula kontrak yang dibuat selepas surat pekeliling perkhidmatan ini berkuat kuasa, syarat-syarat perjanjian kontrak yang baharu adalah seperti di **Lampiran D**.

² Masa selepas waktu pejabat juga terpakai bagi hari rehat mingguan, hari kelepasan mingguan dan hari kelepasan am.

6. PENGECUALIAN

- 6.1. Sebarang pengecualian daripada mana-mana peruntukan dalam surat pekeliling perkhidmatan ini hendaklah dirujuk kepada Bahagian Saraan Jabatan Perkhidmatan Perkhidmatan Awam Negeri bagi mendapatkan pertimbangan Pengarah Perkhidmatan Awam Negeri.

7. PEMAKAIAN

- 7.1. Tertakluk kepada penerimaannya oleh pihak berkuasa masing-masing, peruntukan surat pekeliling perkhidmatan ini dipanjangkan kepada semua Pihak Berkuasa Berkanun Negeri dan Pihak Berkuasa Tempatan Negeri.

8. PEMBATALAN

- 8.1. Dengan berkuatkuasanya surat pekeliling perkhidmatan ini Perenggan 5.2, Perenggan 7.1 dan 7.2 dalam Surat Pekeliling Perkhidmatan Negeri Sabah Bil.2/2009 adalah dibatalkan.

9. TARIKH KUAT KUASA

- 9.1. Surat Pekeliling Perkhidmatan ini berkuat kuasa mulai tarikh ia dikeluarkan.

“BERKHIDMAT UNTUK NEGARA DENGAN BERSIH, CEKAP DAN AMANAH”



(DATUK SERI PANGLIMA HASHIM PAIJAN)

Setiausaha Kerajaan Negeri Sabah


Tarikh: **26 JUN 2019**

Tarikh: **26 JUN 2019**

Diedarkan kepada : Setiausaha Suruhanjaya Perkhidmatan Awam Negeri
Semua Setiausaha Tetap Kementerian
Semua Ketua Jabatan
Semua Pihak Berkuasa Berkanun Negeri
Semua Pihak Berkuasa Tempatan Negeri
Semua Pegawai Daerah
Semua Penolong Pegawai Daerah, Daerah Kecil


Contoh 1 :

Pengiraan kadar kelayakan Cuti Rehat tahunan bagi pesara yang dilantik kontrak mulai 1 Jun 2016 hingga 31 Disember 2017



Contoh 2 :

Pengiraan kadar kelayakan Cuti Rehat tahunan bagi tempoh kontrak satu (1) tahun mulai 7 Oktober 2016 hingga 6 Oktober 2017



**PERMOHONAN PEGAWAI KONTRAK UNTUK MENGUMPUL
CUTI REHAT BAGI TUJUAN PEMBERIAN WANG TUNAI
GANTIAN CUTI REHAT (GCR)**

Saya Nombor Kad Pengenalan telah berusaha untuk mengambil semua Cuti Rehat Tahunan/ mengikut kelayakan sebanyak hari sebelum akhir tahun 20..... / tamat tempoh kontrak. Daripada jumlah baki Cuti Rehat, sebanyak hari tidak dapat dihabiskan demi kepentingan perkhidmatan. Sehubungan itu, saya memohon kebenaran supaya sebanyak hari dikumpul bagi tujuan pemberian wang tunai sebagai gantian bagi cuti rehat yang tidak dapat dihabiskan.

.....
(Tandatangan Pegawai)

Jawatan :

Tarikh :

KEBENARAN KETUA JABATAN

Saya sahkan bahawa pegawai telah mengambil kesemua Cuti Rehat Tahunannya sebanyak hari sebelum akhir tahun 20..... / tamat tempoh kontrak. Daripada jumlah baki Cuti Rehatnya sebanyak hari yang tidak dapat dihabiskan demi kepentingan perkhidmatan, sebanyak hari adalah dibenarkan dikumpul bagi tujuan pemberian wang tunai sebagai gantian bagi cuti rehat yang tidak dapat dihabiskan.

.....
(Tandatangan Ketua Jabatan)

Nama Penuh :

Jawatan :

Tarikh :

Nota:

- 1) Jumlah Cuti Rehat yang dibenarkan untuk dikumpul bagi tujuan GCR terhad **15 hari atau ½ daripada kadar cuti rehat yang berkelayakan** pada tahun berkenaan, mana yang lebih rendah.
- 2) Kebenaran ini perlu dimaklumkan kepada pegawai berkenaan.
- 3) Pengumpulan Cuti Rehat bagi CGR hendaklah dihentikan setelah genap 75 hari.

CONTOH SENARAI ELAUN DAN KEMUDAHAN

Bil.	Bahasa Melayu	Bahasa Inggeris
1.	Imbuhan Tetap Khidmat Awam	Fixed Civil Service Allowance
2.	Imbuhan Tetap Perumahan	Fixed Housing Allowance
3.	Imbuhan Tetap Keraian	Fixed Entertainment Allowance
4.	Bantuan Sara Hidup	Cost Of Living Allowance
5.	Bantuan Insentif Perkhidmatan Kritikal	Incentive Payment For Critical Services
6.	Bantuan Insentif Pakar	Specialist Incentive Payment
7.	Elaun Dan Bayaran Semasa Bertukar Atau Berpindah Rumah	Allowances And Payment On Transfer Or House-Moving
8.	Elaun Menjalankan Tugas Rasmi	Allowances For Official Duty
9.	Elaun Menjalankan Tugas Rasmi Di Luar Negeri	Allowances For Official Duty Overseas
10.	Rawatan Perubatan Percuma Di Klinik/ Hospital Kerajaan	Free Medical Treatment In Government Clinic / Hospital
11.	Rawatan Perubatan Percuma Di Luar Negeri (Pesara Yang Menerima Pencen)	Free Medical Treatment Overseas (Pensioner)
12.	Kemudahan Tambang Perjalanan	Transportation Benefits
13.	Pinjaman Kenderaan/Komputer	Car Loan / Computer Loan
14.	Rumah Kediaman/ Kuarters	Accommodation / Quarters
15.	Elaun Perumahan Wilayah (Bagi Warganegara Sahaja)	Regional Housing Allowance (Malaysian Citizen)
16.	Bayaran Lebih Masa (Bagi Kumpulan Pelaksana)	Over Time Payment (For Supporting Staff)
17.	Cuti Rehat	Annual Leave
18.	Cuti Sakit	Medical Leave
19.	Cuti Haji	Pilgrimage Leave
20.	Cuti Bersalin	Maternity Leave
21.	Cuti Tanpa Gaji Untuk Mengerjakan Haji	No-Pay Leave For Pilgrimage
22.	Cuti Tanpa Rekod Bagi Urusan Kematian Ahli Keluarga Terdekat	Unrecorded Leave For Managing Death Of Immediate Family Members
23.	Cuti Isteri Bersalin	Paternity Leave

Pemberian elaun dan kemudahan hendaklah mengikut peraturan yang berkuat kuasa. Pegawai juga layak diberi elaun dan kemudahan baru yang dipanjangkan kepada pegawai kontrak mengikut peraturan yang berkuat kuasa dari semasa ke semasa.

Contoh Syarat Pelantikan Pegawai Kontrak (*Contract of Service*)

**SYARAT-SYARAT PELANTIKAN SECARA KONTRAK.....(NAMA
CALON)..... (SKIM PERKHIDMATAN/ GRED JAWATAN).....
DI.....(AGENSI)**

1. Jawatan :
2. Tempoh Perkhidmatan :
3. Gaji :
4. Elaun-Elaun Dan Lain-Lain : Pegawai adalah layak dipertimbangkan untuk pergerakan gaji tahunan secara biasa berdasarkan kepada Laporan Nilai Prestasi Tahunan (LNPT).
5. Elaun-Elaun Dan Lain-lain Kemudahan : Pegawai akan dibayar elaun dan lain-lain kemudahan yang layak mengikut gred jawatan yang ditawarkan tertakluk kepada Peraturan-Peraturan Perkhidmatan Awam Negeri Sabah, Pekeliling Perkhidmatan Negeri Sabah Bil. 8 Tahun 2009 dan Pekeliling Jabatan Bendahari Negeri.
6. Cuti Rehat : Pegawai adalah layak mendapat cuti rehat sebanyak setahun di dalam tempoh perkhidmatan kontrak ini.
7. Pemberian Wang Tunai Sebagai Gantian Bagi Cuti Rehat Yang Tidak Dapat Dihakiskan : Tertakluk kepada arahan Kerajaan dari semasa ke semasa, apabila pegawai atas sebab kepentingan perkhidmatan tidak dapat mengambil cuti rehatnya yang dia layak di bawah atau mengikut Kontrak ini, pegawai layak diberi wang tunai sebagai gantian. Kelayakan itu hendaklah tertakluk kepada terma dan syarat sebagaimana yang ditetapkan dalam Surat Pekeliling Perkhidmatan Negeri Sabah Bilangan 2 Tahun 2009 atau arahan lain Kerajaan yang dikeluarkan dari semasa ke semasa.
8. Tatatertib : Dalam tempoh kontrak ini pegawai adalah setiap masa tertakluk oleh Peraturan-Peraturan Perkhidmatan Awam Negeri Sabah 2008 Bahagian V (Kelakuan dan Tatatertib), Peraturan-Peraturan Kewangan, Pekeliling-Pekeliling Perkhidmatan dan Undang-Undang yang dikuatkuasakan dari semasa ke semasa.
9. Ganjaran : **Mencarum kepada KWSP**
.....

(17.5% - kadar caruman majikan dalam KWSP) x (gaji akhir x jumlah genap bulan perkhidmatan) – (jumlah faedah ke atas caruman majikan dalam KWSP).
10. Penamatan Kontrak : **Tidak Mencarum kepada KWSP**
.....

17.5% x gaji akhir x jumlah genap bulan perkhidmatan.

- : Pihak Kerajaan dan pihak pegawai boleh menamatkan perkhidmatan kontrak ini dengan memberi 30 hari notis ataupun membayar sebulan gaji sebagai menggantikan notis.
- 11. Pelantikan ke Jawatan Tetap : Kerajaan tidak berkewajipan untuk melantik pegawai ke jawatan tetap dalam perkhidmatan awam. Apa-apa permohonan bagi maksud pelantikan tetap perlu dibuat terus kepada Suruhanjaya atau pihak berkuasa melantik berdasarkan syarat dan peraturan yang berkuat kuasa sekiranya pegawai berhasrat untuk berkhidmat dalam perkhidmatan awam.